



Universitätsbibliothek Paderborn

Centvriæ Selectorvm Casvvm Conscientiae. I. II. III.tia

Burghaber, Adam

Fribvrgi Brisgoiæ, 1665

72. Probvs Indulgentias pro Viuis concessas malè applicat Defunctis.

urn:nbn:de:hbz:466:1-40942

Atque ex his patet, quale onus Confessario incumbat. Hoc dederimus cum Lugone D. 19. de Iust. num. 35. Confessarium teneri ad restitutionem, si omissio & negligentia eius habeat rationem Consilij, quia sic consulens est causa iniusta damni; ut tamen sit grauis obligatio restituendi, consilium etiam moraliter culpabile esse debet.

LXXII. Probus ex insigni affectu erga animas in piacularibus flammis detentas, indulgentias, quas vivis concessas lucrari studet, perinde illis applicat, ut alia pietatis opera, iejunia, disciplinas &c. Quæritur. Vtrum facere id vi indulgentiarum posse?

Videtur id posse. Ita P. Georgius Gobat in thesauro Indulg. L. 2. c. 21. q. 61. n. 466. Tum quia nullum ius vel divinum, vel Ecclesiasticum id vetat. Tum quia utiliter id practicatur. Tum quia possum applicare animabus alias meas satisfactio[n]es. Ergo & indulgentias.

Resp. Probum facere illud non posse. Ita communissima DD. sententia apud Dicastilio. Tom. de p[ro]nunt. Tr. 9. D. 2. n. 225. Ratio est. Tum quia Indulgentia pendet non minùs à voluntate concedentis, quàm ab illius auctoritate. Ergo alteri applicari nequit, præter eum, cui ipse concederit. Tum quia forma concessionis pro vivis excludit defunctos, cùm fiat per modum remissionis & absolutionis,

quæ non habet locum quoad defunctos, cùm tantum sint capaces indulgentiarum per modum suffragij. Tum quia nullus homo habet potestatem dispensandi merita Christi & Sanctorum præter Summum Pontificem. Tum quia quando Pontifex concedit indulgentias pro omnibus fidelibus, non intelliguntur defuncti, vt ex communi docet *ut. Author. n. 235.* Tum quia praxis Ecclesiæ habet, vt semper fiat specialis mentio Indulgentiarum pro animabus, si istis Summus Pontifex applicari velit. Ergo contra ipsius mentem fit hæc applicatio, quando ipse nullam illarum facit mentionem.

Ad primum in contrarium dicimus, obstat ius diuinum soli Summo Pontifici concessum dispensandi merita Christi & Sanctorum. Ad secundum Non omnia utiliter practicari à quolibet, sed tantum ab habente potestatem; alias etiam involare auderem in alienas pecunias, vt ex ijs utilitere elemosynas facere possem. Ad tertium negamus consequentiam; nam applicare illas priùs non possum, quām faciam meas, hoc ipso autem iam non sunt amplius applicabiles alteri, cùm consistant in remissione pœnæ per modum absolutionis, vt diximus.

LXXIII. *Protagenes Sacerdos in Messe Sacrificio subinde de Saurâ suâ hostiâ particulam sumit, eaque communicat personâ Sacre ipsius presentem. Quæritur. Rectè ne hoc faciat?*

Vide-